

دائرة مخصوصه

درسعادتده باب على جورارنده

محل اداره :

مشرط القبر

اخطار :

مسلكنزه موافق آثار جديده مع المنوئيه

قبول اولنور

درج ابدنه بن آثار اعاده اولنور

ديره، فلسفه، علوم، حقوق، ادبيات و سياستنامه و بالخاصه كرك سياسى و كرك اجتماعى و مدنى احوال و مشوره اسلاميه و بحث ايدى و هفته ده بر نشر از انور.

آبونه بدلى

سنه لى

التى آيلنى

ممالك عثمانيه	ايچون	٦٥	٣٥	غروش
روسيه	»	٦٥	٣٥	روبله
سائر ممالك اجنبيه	»	١٧	٩	فرائق

صاحب و مؤسسى :

ابوالعلا زين العابدين - ح . اشرف اديب

تاريخ تأسيسى

١٠ تموز ٣٢٤

درسعادتده نسخه سى ٥٠ يارودر

قبرله دن مقوا بورو ايله كوندريليزسه سنوى

٢٠ غروش فضله آلنير

دردنجى جلد

١٥ جاذى الاخر ٣٢٨ پنجشنبه ١٠ حزينان ٣٢٦

عدد : ٩٤

خصوصنده کی وظیفه می ایفا ایدرک آریلیورم . آرقداشیر شاهد اولک ! « دیمش وتسایم روح ایش ایدی .



مهربه کیدرکن

س — عسکر ؛ عثمانلیلر حربیه کیدرکن کویدن اصل آریلیورلر ؟
ج — شلککلره ! قره غولمزک ژاندارمه سی ، کویمزه تبریکلره ، اوغورلره دولت دوکونی خبرینی کتیرر ، هرکس اوغورلیر ، صاریلیر ، اوپوشور ، بایراملشیر ، کورش میدانی آجیلیمش کی پهلوانلر حاضرلیر ، داوولجینک داوولی ، زورناجینک زورناسی بارالیر-جه سنه چالیر ، بودولت قوشی باشنه قونان کینجیلرک باشی یوکسلیر ، کوکسی یوکسلیر ، دوکونه دعوت ایدیلنلرک طمارلری کریلیر ، سکیرلری جوشار ، توپلری اورپرر ، « بنده کیدرم ، کوکالی یه یوق اولماز . کیری قالم ، کویه صیغمام کیده رم . » دیر . دردلشیر ، تسلیلیر ! بابالر ، آنالر ، قورولور . اولادمک قانی ، صوی ، سودی تمیزدر کووه نیرم دیر ، اوکونور . حقلر حلال ایدلر حربک صوکنه براقیلیر ، یوز آقغیله دونمز ، یاشهرتلی برشهید اولمازسه کز آنا و بابا حق ، سود ، صوی حق ، قومشو حق ، کوی حق وطن حق حلال اولماسون ، کویمزه سزی صوقاییز ، آنالریکیزی بابالریکیزه ، بابالریکیزی بابالره ، اویغزی اولره ، کویمزی کویلره ، قصبه لریغزی قصبه لره ، سنجاغیغزی سنجاقلره ، ولایتی ولایتلره ، دولتمزی دولتلره ، جانمز ، پادشاهمزی پادشاهلره اوتاندریمک ، ملتک یوره کنی یاقیک ، قانسزمش بوملت دیدیریمک ، جوهرلی ناموسلی اجدادگیزی بد نام ایتیمک احفادیکیزه لغت ایتدیریمک وطنی طوغرایمک ، عثمانلیلرک قانی بوزلدی ، صوی بوزلدی دیدیریمک ، سونکولرکیزه قلنجلریکیزه حق ، عدالت کونشی بارلاسون ، تفشکلرکیزه انتقام شمشکی چاقسون ، طویلریکیز عثمانلیلغی باغرسون ، کولله لریکیز شان وشرف صاچسون ، یر ، کوک ارلکیزه ، مردلکیزه حیران وشاهد قالسون ، اولادلر زاختیارلر برقولتو غمزده کینک برقولتو غمزده طورونلری طاییه جغز ، سزه اوراده اتمک جیبخانه تدارکنه چالیشه جغز شهید اولنلریکیزه یرینه اورته دن غیب اولنلریکیزی آرامغه طورونلری کوندره جکیزه ، آنلرده دونمز سه قاووشمغه بزکله جکیزه . آرقا کیمک حرام ، وطن بارچه لاندقدن ، ناموسنه طوقونلقدن صوکره وطنک کوکسند عثمانلیدن انسان جانمی طاشیر ؟ کومولورز ، هپ کومولورز مظفر اولورز . چونکه وطنک صوک دنی صوک نفسی کورمه دن اولور کومولورز . وطنک کوکسند طرمانه حق دشمنده انسان بوله ماز عمومی برمشهدک بايقوشی اولور ، فقط مراق ایتیمک اولادلر عثمانلیلک بایراغی بابالریکیزدن آلمدیکه سزدن آلنسون . وطنک باغریکه باسلاماز اجدادیکیز باسدیرمه دی . وطنک کوکسند سفاخته خانه دکل اردوگاه قوردی . سلاح باشندن آیرلما دی ، چونکه سلاحه صاریلی طورانک هرکس دوستی ، سلاخندن آیریلانک ، هله بز کیلرک هرکسک چکه مه دیکی ، قیصتانلیغی عثمانلیلرک هرطرفی دشمن کسیلیردی .

ایشته آنکچوندرکه ملتیز تجار اوله مه دی ، صنعتکار اوله مه دی . حتی چفتچی صباغی بیلره بر دوزی به سوره مه دی ، چونکه دشمندن آمان بکله به مزدی ، سلاحی الندن برامزدی ، سلاحی برامق بتون چفتی چبوغی ، یری ، یوردی ، وطنی برامق دیمک اوله جغنی اکلایان عثمانلیلر چار ناچار اکمکی راحتله ، صنعتله ، تجارتله دکل سلاح حقیله سلاح آلننده فقیرانه فقط ناموسکارانه یدیلر . هایدی اولادلر ، وطنی محافظه ایدرسه کز حیات وار . یوقسه نه سز وار نه وطن نه بز ! طاشی ، طوپراغی صارصیلان وطنمزی تاملندن امین قیلام سونکولریمزک زهرلی ، حدودلریمزک آتشی اولدیغی کوستره لم که آندن صوکره ینه براز چفته ، چبوغه ، تجارت وصنعت وقت ، میدان بوله لم . شمیدی ایلک ایش بوا کیدک اولادلر ایلری ! حدودک سورلرینه برر طاش اولق اوزره کومولک ! تا که چوجقلریکیزه سپر اولسون . ایلری ! دیرلردی .

بروسه سیاحتی

کچن هفته کی یالوه تنزهنده نه قدر یأس وکدروتی بادی ، تأثر وتأسفی موجب احوال نالایقه اولدیه بو هفته کی بروسه تنزهنده ده او نسبتده ممنونیت ومحظوظیتی موجب حالات مسرت بخشنا مشهود چشم افتخارمن اولمشدر . ایشته آره صره بوکی سونیدیریجی ، شوق وغیرت ویریجی حاللردرکه بزه آتی حقننده بیوک امیدلر ویریور . یوقسه صفحات حیاتییه مزه هپ اویله مزارت انکیز ، سفیه لوحه لردن عبارت اولسه یدی ، بیوده چالیشمقده اولدیغمز به حق حکم ایدم جکدک . فقط بو دین جلیلک او قدر فدا کار خادمی ، بو دلبر وطنک او قدر حمیتلی اولادی واردرکه ماتمزی یاشاتمق ، اومسعود ومنور آتی به ایصال ایلک ایچون بذل هممات ایدیور ، اوکیزه حیاتیاتک کوزلاکلیغی سرپه رک او آجیلری اونوتدیریور ، جمله مزه شوق وامید بخش ایله یور . . .

جمه ، کونی بکلر بکننده کی ضیافت سنیه ده بروسه مبعوثی طاهرک افندی : « یارین بروسه یه کیدیله جک ، سزده کلیر میسکیز ؟ » دیدیکی زمان :

— بالوه تنزه کی کدر طویلامق ایچون می ؟ . .

دیه قلبی سؤال ایله متفکر قالمش ایدم . بو اندیشه یی حس ایدن مخاطبم :

— مراق ایتمه ، دیدی ، کچن هفته کی کبی اولماز ؛ ذاتا بنده بولونه جغم . . .

بو وعد اطمنان بخش ایدی . طاهر بکل نصل برحیت مجسمه اولدینی ، نه درجه ده مایته یور بولوندینی کندیسی طانیانلرجه تمامیه معلومدر . اونکده بولونمی مطلقا خیره ، سوینجه دلیلدر .

فرداسی واپوره کیرنجه کوزمه « خصوصی وملی شرکت بحریه عثمانیه » سرلوحه لی براعلان ایلیددی :

اعلانده دبره مبعوثی مرحوم اسماعیل بک زاده فؤاد بک، کریدلی معلم عزیز بک، مانع زاده حسین افندی وسائر ذوات اللہک عنایتنه وملتک ارزو وحمیتنه استناد آبیوک بر شرکت بحریه تشکیل ایتدکاری، وشرکتک آق دکز وقره دکزده مجدد منتظم واپورلر ایشلهده جکی وواپورلرک سرعت وانتظامنه وبالخصوصه آداب اسلامیه وعثمانیه موافق بر تربیه ونظافت وراحتک تأمیننه صوک درجه چالیشله جفی بیان اولونیوردی .

شرکت حقنده بر آژدها تفصیلات آلدیم . مسلمانلر آراسنده کی بو تشبث ملی دن او درجه ممنون اولدم که «انتباه باشلایور . . .» دیه حکم ایده جکم کلدی .

ساعت بر بچقده واپور حرکته حاضر لندی صروده قربان کسیدلی ، دعالر ایدیلدی ، بسمله رب رحیم ایله پروانه دونمکه باشلادی . تجارت بحریه مزک مبدأ فلاح وسعادتی تشکیل ایتدی مأمول اولان بو تشبث یا نمزده یوک آلمقده اولان بر اجنبی واپورینک صانک حسینی جلب ایتش کی، بر چاتیردی در قویدی، هیمز باقدق، بالتصادف واپورک اسکله مردیوه فی کندی کندی قیریایوردی . ان شاءه فال خیردر، دنیلدی . نظرلر شانلی سنجاغمزک تموجنه دوندی . هر کسک، واپورده بولنان یکریمی قدر مبعوث افندیلرک بویله عثمانلی بایراغی التنده منتظمجه بر واپورده بولونمقدن متولد بر حسن اقتضار ایله کو کسلی قبارییوردی . واپورده انتظام ونظافت یک مکمل ایدی؛ یا نمده اطوران بر اجنبی ، ارقداشنه دییوردی : «چوق کوزل ، فقط دوام ایدر . بیلسه . . .» ان شاءه ایدر .

ارتق بحث هپ دکزه، دکز چیلکه تعلق ایدیور ایدی . مؤسین شرکت پرفخر و سرور ایضاحات ویرییوردی : «بو واپور هیچدر، اصل سپارش ایتک اوزره بولوندیغمز واپورلرک سرعت وانتظامی بتون بروسه یولچیلرینی دوچار حیرت ایدر جکدر . ان شاءه ایکی، ایکی بچق ساعتده مدانییه کیده جکیز . شیمدیلک همان ایشه باشلامق اوزره بو واپوری استیجار ایتدک . . .»

صاهر بکده باجهده کی صلیبی سیلیرمک ایچون دوچار اولدینی مقاومتلردن ، اصرارلردن ، عاقبت نصل موفق اولدیغندن بحث ایدییوردی .

صوکر واپوری کز مکه باشلادق . تمیز دوشنمش بریر نظر دقتمزی جلب ایتدی . «جامع شریف» اولدینی سولنججه هر کسده بر سرور عظیم حاصل اولدی . شیمدی یه قدر واپورلرده مسلمانلرک بو احتیاجی نظر دقته آلمامشیدنی . آلمامسی ده طیبی ایدی . چونکه صاحبلی هپ اجنبیلر ایدی . فرنکلیر ایشه هیچ برشیده مسلمان نقطه نظرندن دوشونمزلر . اولر نزهیه کیرلرلر عادتلی ، اخلاقلی . مدنیت . . . لرله برابر کیرلر . هر شیئی کندی حیاتلرینه کوره تنظیم ایدرلر . بو صورتله یرلیرده آ کلامیه رق بر زمان صوکر اتمثل وجوده کلیر . او وقت آیاقلر صویه ایرر .

مادام که بورالری مسلمان مملکتلری در ، هر شیده مسلمانلرک

احتیاجلری نظر دقته آله جق در . مسلمانلرک احتیاجی دیدیکمز شی ایشه فرنکلیرک احتیاجی کی غیره ، انسانلعه مضرت بخش ایدن شیردکلدر . مسلمانلرک بو احتیاجی نظر دقته آلماسندن ، مثلاً واپورلرده جامع ایچون بریر تخصیص اولونمسندن اجنبیلر نه ضرر کورور؟ هیچ . فقط بونک نظر دقته آلمامسندن مسلمانلر دوچار مشکلات اولور . یوق ، اگر بز کندی قانمزله مالک اولدیغمز مملکتلر مزدهده اجنبیلرک کیفنه کوره حرکت ایدر جک ایشه او وقت طویدن حاللنی ، اسیرلکی قبول ایتلی یز . انسان قوری بر تصرف سندیلر ارضک صاحب حقیقی صایلماز . بوندن صوکر ان شاءه مائر مدنیکی کندمز وجوده کتیر رزده هر شیده احتیاجی ده نظر دقته آلیز . معافیله مملکت مزه ایش یا ممق اوزره کلن اجنبیلرله پایله جق مقاوله لردهده بو اساس ، مسلمانلرک احتیاجی اساسی نظر اعتسادن دور طو تلامیلدر .

جامعه برده امام اولورسه ، بش وقتده اذان محمدی اوقنورسه . . . یک مناسب اوله جفی فکرینی مؤسسیر همان قبول ایتدیلر . دیمک که صرف مسلمانلردن عبارت اولان بو شرکت اسلاملرک بتون احتیاج جانی دوشونیوردی . اینته مملکت مزده بوندن صوکر پایدار اوله . بیه جک شرکتلر ، مؤسسیر . . .

اکلاشیلیدیغنه کوره مؤسسیرلی ، تجارتدن زیاده ، هیتلری بو شرکتک تشکیله سوق ایتشدر . طاهر بک افندی بروسه ده بلدییهده ویریلن ضیافتده والی ، قوماندان ومدعوین حضورنده ادله سیله بونی اثبات ایتدی . فی الحقیقه فؤاد بکک حقیقی کندیسنی طانیانلرجه مسلم در . مانع زاده ایشه بروسه یلرک احتیاجنه واقف اولور اولماز ، اجنبی شرکتلره بویون ا کهملری ایچون قره دکزده ایشلتدیکی بیوک واپورلری - ضررینه اوله رق - بروسه یه تخصیصه قالمش . فقط طاهر بک بویله بر ضرره قاتلانلرینی موافق کور مدیکندن او فکردن واز کچلش . کریدلی عزیز بکک حیتی ایشه طانیایان همان کیمسه یوق کی در ؛ کیده اسباب انتظامی تأمین ایچون اک کوچک تفرعاته وارینجهیه قدر قدر هر شیئه کندیسی قوشیور ، عظیم بر وجد و طنپورانه ایله بو تشبثدن متحصل تحسینات مسرتی حکایه ایلدیوردی .

ایشته هپ بویله سنجاغمزدن ، حالمزدن ، استقبالمزدن بحث ایدرک درت ساعت صوکر مدانییه واصل اولدق . اورادن ترنه را کب اوله رق جنت کی باغلیر ، باغچه لر آراسندن ایکی بچق ساعتده بروسه یه کلدک . والی بک افندی ، بلدییه رئیس وسائر رجال حکومت استقباله چیقمشلر . صنایع موزیقه سی طلبه سی ده مبعوث افندیلری مارشلرله قارشولایوردی . مراسم استقبالیه یی متعاقب آرابه لره بنلدی ، شهره طوغرو توجه ایدیلدی .

موزیقه جی افندیلرده پاچالری صیوایه رق جاده یی طو تیدیلر . ماشیاً عودت بیچاره لری یک ازعاج ایتدی . آرابه لرده صیجیرایان چامورلر الیسه لرینی تلویث ایدییوردی . استقبالی ترتیب ایدنلرجه

بوجهتک نظرہ آئناش اولسی موجب تأثر در .

نهایت آراہلرم، بلدیہ اوکنده طوردی . یوقاری چیقلدی .
صوکراده حکومت قوناغنه والی بکه کیدلدی . مراسم تمام اولدقدن
صوکر شہرک شایان تماشا محللری آراہلرله کزیلکه باشلاندی .
یشیل جامعک زیارتی متعاقب بدستانہ کیدیلہ جکدی . سدلر باشی
کچکدن صوکر قہوہلر باشلادی . نہ مترقی صنعت ! آدیم باشنده
برقہوہ . مشتریلرہ لبالب . طوغریسی عطالتک بودرجہسی شایان
حیرتدر .

برچاریک قدر بوقہوہلر تمادی ایتدکدن صوکرادستان قابوسنده کی
پاپوچجیار جادہسندن کچمکہ باشلادق . دار وتوزلو دکانلر . صانکہ
قرون وسطادن قالمہ نمونہلر . بونلر آراسنده بیجاقلی دکانلری : قینی
بارل پارل پارلایان سیوری اوجلی قالر ، بل بیجاقلری ... بیچارہ مسلمان
قارداشلر ، صباحدن اقشامہ قدر چالیشہ چالیشہ آنجقاکمک پاره سنی
چیقارہرق ، برچوق کونلر ہر درلو محرومیتلرہ قاتلانہرق بریکدیریان
یکرمی اوتوز غروشلہ اوافقون قینلی قنایی بلنہ طامق ایچون جان
آتان زوالیلر ... یکانہ امید کز اوپارلاق قالرہ نائلیت در . بیلیمورسکیز کہ
قا دورلری چوقدن کچرک شمدی مدنیت آتشلر یاغدیورر سلاحلر
وجودہ کتیرمشدر .

بدستانہ کیریلنجہ تجارتخانہلر ، منتظم مغازہلر کورولمکہ باشلادی .
غیر مسلم وطنداشلر بیوک بر فعالیت وجدیت ایلہ ایشدہ کورویاورلر .
اکثریتلہ تجارتکاهلر ، بیوک مغازہلر ہب اولردہ . اسلاملر ایچون
جاہ ومنصب خولیالری ، قہوہ پیکہلری ، حمالقلر قالمش ...

بدستانہ کلنجہ مسلمان دکانلرینہ کیدلم ، دیدک . ہر بریمز بر
طرفہ طاغیلدی . اوتہ بری آلدی . واپوردہ آلمان عینی شیلرک
فیاتلری قونوشولنجہ کیمیسندن اوج غروش ، کیمیسندن بش غروش
فضلہ آلدینی اکلایلدی . آرقداشلردن بری :

— بو ، دولاندیر یحیلق دکلہ ؟ دیدی .

— خایر دکلدر ، دیدک ؛ بو بر مرض اخلاقی در کہ بزم بلمزی
طوغروائہ نامزک سبیلرندن برینی دہ بولشکیل ایدر ...

بعده جامعلر ، تربلر زیارت اولوندی . ہرکس کندینہ مخصوص
بر کوزلک ایلہ او آثار اسلافہ نظر انداز اولدی . سلطان مراد ثانی
تربہسندہ تربہدار ، مرحومک وقت حربدہ قولاندینی درت یامہلی
مشین برسجادہ سنی کوستردی . ایپک یلواچی مقتصد شہر حافظ ابراہیم
افندی قورولتای دہ شیمدیکی قاضی مسکرلرک معاشرندن شکایت ایتک
اوزرہ نوط آلدی . بزد قارشیدہ :

— کوردیکز می ، دیدی ، اسکی پادشاہلر نصل مش ؟ شیمدیکی
قاضی مسکرلرک مکلف بینشلری ایلہ قیاس می قبول ایدر ؟ ..

سوزی تصدیقہ اقتران ایدرک شیمدیکی ایدہ موکلہ ! اسکی ایدہ موکلہ !
آراسندہ فرق اولدینی علاوہ ایدیلدی .

ہر طرف کزیلدکدن صوکر آقشامک تقریبی حسیلہ تکرار بلدیہیہ
عودت ایلہ برازا استراحت ایدیلدی . قارشوکی منارہلردن اذان سنی ایشیدیلکہ

باشلادی . بلدیہ نک نماز قیلیمغہ مخصوص جامع اوطہسی صورولدی .
غایت مکمل موبایالی ، فقط زمینی حصیر دوشہلی بریتاق اوطہ سنی
کوستردیلر . نماز ایچون برسجادہ ایستہندی . خدمہلر لیرینی اووشدیرمغہ
باشلادیلر . بوکادہ « ایواللہ ... » دیرک مندیلمزی سرہرک نمازلر
قیلندی . منتظم سفرہلر حاضر لائمش . طوغرو سفرہلرہ کیتدک .
برسفرہیہ والی بک ، برسفرہیہ دہ قوماندان پاشا ریاست ایدیوردی .
قوماندان پاشا ، عبدالرشید افندی ایلہ بروسیہ کچنکی سیاحت مزدہ
جمیت علمیہ دہ درت ساعت صرہیہ کال طلاقتلہ سویایہرک تصوفدہ کی
ید طولاسنہ بتون بروسیہ علماسنی حیران ایدن بوذات محترم ، شیمدی
سفر دہ بک آز سویلیوردی .

بن یانمدہ کی دبرہلی آرقداشہ قوماندان پاشانک اختصاصی حقندہ
ایضاحات ویریوردم . دیگر طرفدہ کی بروسیہلی اختیار جہ بر ذات دہ
طباق شاقیردیلری آراسندہ اسکی ملی ضیافتلر مزدہ کی عادتلردن بحث
ایدیوردی . بوندن جسارت آلہرق صوردم :

— سفرہ اطرافندہ بودولاشانلر کیملردر ؟

— خرسیتانلر ، یہودیلر ...

— ہپسی ؟

— اوت تایدیشیرندن طوت ، شو طباعی دیکشیرنجہیہ قدر ہپسی ...

— ہیچ مسلمان یوقی ؟ — یوق .

— نیچون ؟ — چونکہ مسلمانلرک بواشلری کورہ بیلہ جک

اولانلری بویلہ اینجہ لکاردن آکلمازلر ...

ہر نہ ایسہ ضیافتی متعاقب نطقلر ایراد ایدیلدی . فرداسی اون
ایکیمہ شمنندوفر بک چوق یولجیلرہ بروسیہدن حرکت ایتدی .
مدانیہ مواصلت ایدیلنجہ برجم غفیر کوردک . « بونلرنہ ؟ » دیرہرکس
تعیینہ قالقیشدی . ترہن طوروبدہ پنجرہلرہ « حمال وار ، حمال وار ... »
دیرہ بیاض صقالیلر ، کنج دلیقہ انیلر ، چوجقلر قوشوشننجہ
اکلاشیلدی کہ ہپسی حمال ایمش . یولجیدن زیادہ حمال . بیچارہلر
درت کوزلہ باقیورلر ، فرنکلرک باووللرینی طاشیسنولردہ بش اون
پارہ اکمک پاره سی چیقارسونلر .

بو تنزلری ، بوسیاحتلری یانکیز بروسیہیہ ، اوروپایہ حصر
ایتمہلی در . اناطولی ایچریلرینہ ، شرقہ طوغری دہ کیدوب او بیچارہ
مسلمان قارداشلرک حالتی یقینندن کورملی ، نظر عبرتہ آلملی ،
اونلری دہ دوشونملی در . انتباہ و فعالیت ینہ کورہ کورہ اولہ جقدر .
فقط اثنای سیاحتدہ نیچون کیدیلدیکی دوشونمک شرطیلہ . اونلری
کندی حاللرینہ براقیرسہق ینہ برشی اولہ جفی یوق . او بیچارہلرک
دردلری نہ در ، اونلری بو حال مسکنتہ ، بو حال اسارت وذلہ
کتیرن عوامل ومؤثراتی یقیندن تدقیق ایتلی دہ ، انتباہ ایچون چاردلر
دوشونملی . بورادہ ماصہ باشندن بر طاقم نظریات ادارہ ایلہ نہ اونلر
اویانہ بیلیر ، نہ بز بو حال بذلتدن قورتولہ بیابرز .

اسکایہ کلک . اوچ واپور بکلیوردی : بری ملی شرکت بحریہ
عثمانیہ واپوری ، ایکنجیسی ادارہ مخصوصہ نک کشکول عزرائیلی ،

آوازه تمیاتی سهاره قدر ایصال ایتدیلر . استانبوله کلوبده طشره لری هیچ کورمه مش اولان قفقاسیه لی احمد بک آقایف و قرد بک افندیلر بودرجه حمیه حیرت ایتدیلر . بوسبتون فکر لری دکشیدی : — نه دهشت مش بوملت ، دیدیلر ، بو نه قدر بیوک حمیت وطنیه ... آرتق بغایه الله تعالی کریدک بزده قاله جغه قناعت قلییه حاصل ایلدک ...

— هله هله بر آرزوها ایچریلر کیدیک زده نه بابا یکیتلر بولوندیغنی آکلار سکز .

دیه قناعت قلییه لرینی تقویه ایتدک . قبلر منر حسیات وطنپرورانه ایله مشبوع اوله رق نمون و مبتهج سیاحتی اکیال ایلدک .

اراق وارده :

علمای محترمه مزه براخطار ناچیزانه

رمضان شریف یا قلاش بور . طلبه علومک بک چونغی کویلر و عظم و نصیحت ایچون کتمک حاضر لایمده و شیمیدین اللرده (درة الناحین) لر ، حکایه کتابلری تداول ایتکده در . غالباً بوسنده کویلرده او اسکی موعظه لر ، بنی اسرائیل حکایه لری سویلنه جک ، اوت کویلرک آرتق حافظی اولدینی او اسکی شیرتکرار ایدیلر جک ! .. که بوکا آجیالیدر .. مشروطیتک نامنی بیله ایشتمین ، مسلمانلغک اساسنی بیلمین ، اسلامی عطاالت و بطاالت ظن ایدن اوزواللی مسلمانلر رمضان شریفه برابر کویلرینه کله جک اولان خواجه افندیلرک تشریفه شدتله منتظر ، سوزلرینی دیکلمک ، طومغه صوک درجه خواهشکر اولدقلری حالده بوفرصتدن استفاده ایله او بیچاره لری ایجه تنویر ایتکی دوشونمورز . . . بوکون کویلرک او یانمسی حیات اجتماعی مزک الیمتدار رونقیدر . ایشته بونک ایچون رمضان شریف کی علوی بر آیده ، فرصتدن استفاده ایله اوزوالیلری تنویر و تنبیه ایتک لازم کلیر . فقط بهر آغزندن چیقه حق درس لر ، [هله اجتماعی ، دینی اولورسه] عجیباً مطلوب اولان استفاده نی تأمین ایدیلر جکی . . . هیچ ظن ایتیم ! . . . ولسکه عکس تأثیر حصولندن قورقارم . . . ایشته بونک ایچون علمای کرام طرفندن همان طلبه علومه ترکیه و ساده بر وعظ کتابی ، ارمغانی ترتیب ایدیلر و توزیع اولورسه دینمه ، مشروطیت مزه بیوک بر اییلک ایدلش اولور اعتقادندیم . بناءً علیه بوجهتی علمای محترمه مزک وبالخاصه عالم اسلامیه بک بیوک خدمت لر ایدن (صراط مستقیم) ک نظر دقتنه عطف ایدر و بو خصوصده تأمین ایدیلر جک معنوی استفاده کلیه نی تفصیل ایتکی زائد عد ایلرم . برده بو یولده ترتیب ایدیلر جک دینی ، اجتماعی کتابلرک دونما اعانه سی منفعتنه ترکی و اونامله صائلمسی اعانه ایچون مهم بر واردات تأمین ایدیلر جکی خاطر عاجزانه مه کلیمکده در .

بایکسیریدن :

سیرنی

اوچنجیسی ده یونان دوست مزه ! منسوب دستونی قومپانیه سنک واپوری . بتون یولچیلر یکی واپوره طولدیلر ، بر قسمی ده اداره مخصوصه یه بندیلر . یونانی دوستمز ایسه سنک صاللا یور ، قابودان حدتندن چیلدیره جنی کلیوردی . بز کلزدن اول اسکله حمللری واپورله اسکله آراسنده کی رابطه نی فک ایتدیلر ، اسکله دن بر قاج مترو اوتده واپور طور یوردی . بویقوتاز بتون شدتیه حکم فرما . حیتلی حمللری تجربه مقصدیه یونان واپورینه طوغری و یوردیم . — نریمه کیدرسک ، افندی . . . دیه بر قاج کیشی بردن اوکمه کچدیلر .

— نریمه ایسترسه اوریه کیدرم ، بو واپوره بینه جکم .

— خایر اولماز ، اوریه بنه مزسک .

— نیچون ؟ سز نه یه قاریشیور سکز ؟

— سن عثمانلی دکلر سک ؟ حیتک یوقی ؟ هر کس اوته کی

واپورلر بیز ، اوراده بر یوق دکل . یازیق سکا افندی یازیق . . .

اوته دن بر دیکری : — عثمان ، بینه مزسک ، دیه کسوب آتسه ک . . .

— نه دیمک بینه مزشم . بنم حریم وار . شیمیدی پولیس

چاغرم . . .

— پولیس دکل ، قائممقامی ، حتی والی بکی کتیرسه کینه فائده یوق .

اوته دن بری : — محمد ، براق بینسون ، باقلم ، نرودن بینه جک .

فقط محمدله عثمان آتش صا ووریوردی . عثمانک دالقلری

آجیلمش ، بیرتیق فسیله پر غایبان حمیت کندیسینی اونو تمشیدی .

بن اونک بو حیتنه آغلامق ایستردم . کندیمی زور ضبط ایدیوردیم .

نهایت حال باشی یتشدی :

— یایمه افندی ، عناد ایتمه ، بر کورولتو چیقمه دن اوریه

کیت . اوراده بر وار . نه یایه جقسک بونک واپورنده ؟ بونلر بزم

کریدمزی آلمق ایستهلر . اونلرک واپورینه بنمکه فصل حیتک

قائل اولور . . .

واپوردن ارقداش لر حاللره اوغراشدیغیمزی سیرایدن کویلورلر .

نهایت حاللردن بری فرقنه وارمش :

— اینانماک به ، لطیفه ایدر . . . دیه رک مناقشه یه نهایت ویردی .

واپور مزه دوندم . هپسنک طانیدی نی طاهر بکله قونوشدیغمی

کورونجه ارتق لطیفه اولدیغنه تمامیه قناعت کتیردیلر . محجوبانه

کولوشیورلردی .

معلم و حی بک واپورک قالقه جنی صرمده حاللره بر نطق ایراد ایتدی .

یانیق یورکلره آتش سریدی :

— حریت مناسترلرده ، سلا نیکلرده طوغدیه بو بیوک وشانلی

دولتک قلمی ده عثمانجک بورالرده قوردی . . .

« عثمانجک » تعبیری اونلری او قدر رفته کتیردی که هپسی

آغلامغه باشلادیلر .

— یاشاسون عثمانجکک اولادلری . . .